

(/)

RTV Ora - Maskat godasin ...



LAJME - VENDI (/../category/vendi) **FAMILJE (/../tag/familje)** **MASKA (/../tag/maska)** **MIRA RAKACOLLI (/../tag/mira rakacolli)** **ARTAN KONI (/../tag/Artan Koni)** **VDEKJE (/../tag/Vdekje)** **TEST (/../tag/test)** **TEMPORA (/../tag/tempora)** **QEVERIA (/../tag/qeveria)** **SHENASI RAMA (/../tag/Shenasi Rama)**

"Shpërthen" Fushë Kruja, grabitje me maska ditën, tritol natën

08/04/2019 - 13:42

Fushë Kruja duket se është në një gjendje alarmi të kuq prej janarit të këtij viti. Vetëm në 24 orët e fundit dy banesa janë grabitur nga maskat gjatë ditës. Ndërsa në mesnatë një tjetër shtëpie iu hodh tritol në oborr. Fatmirësisht nuk ka të lënduar, por ngjarjet kanë mbetur pa autor.

Maskat e armatosura u rikthyen në mes të ditës në Fushë Krujë.

Banesa e tregtarit, Isuf Çela, u grabit në lagjen "Punëtori" nga persona ende të paidentifikuar.

Një prej tyre sipas policisë u fut në shtëpi dhe nën kërcënimin e armës ka arritur të marrë një sasi parash.

Pas grabitjes ata janë larguar me shpejtësi, ndërsa anëtarët e familjes Çela që ka një biznes të rregullimit të elektroshtëpiakeve kanë njoftuar policinë.

Një grup hetimor mblodhi prova në vendngjarje, ndërsa thotë se po punohet për identifikimin e autorëve.

Ngjarja erdhi vetëm një ditë pas zbulimit të një tjetër rasti grabitje në Nikël të Krujës, dhe vetëm pak orë pasi një shpërthim në periferi të qytetit.

Eksplodivi shpërtheu në oborrin e banesës së Vesel Xakës 63 vjeç, i cili është punonjës i Bashkisë së Krujës, në njësinë administrative Cudhi.

Ngjarja shkaktoi panik dhe dëme materiale por fatmirësisht nuk pati të lënduar,

Kërcënimi për shkak të detyrës është pista kryesore e policisë për ngjarjen, pavarësisht se në deklaratimet e para 63 vjeçari ka thënë se nuk ka konflikte. Por nga ana tjetër nuk është lënë mënjane as pista e inskenimit të ngjarjes.

Policia ka shoqëruar disa persona që mund të kenë dijeni për ngjarjen apo si të dyshuar, por të gjithë janë lënë të lirë pas marrjes në pyetje.

Prej fillimit të vitit në Fushë Krujë janë regjistruar të paktën 7 sulme me eksploziv dhe disa grabitje, por policia ka dështuar të identifikojë dhe arrestojë autorët.



/Ora News.tv/

(/)

Tags

FUSHE KRUJE (/../TAG/FUSHE KRUJE)